



UNIVERSITÄTS-
BIBLIOTHEK
PADERBORN

Cogitationes, Sive Considerationes Christianae Pro singulis Anni diebus

Complectens Julium, Augustum, Septembrem

Nepveu, François

Monachii, 1709

Dies 31. De zelo gloriæ divinæ.

[urn:nbn:de:hbz:466:1-60520](https://nbn-resolving.org/urn:nbn:de:hbz:466:1-60520)

quàm inveniendò non invenire.

Aug. Lib. Iulius

1. Confes. c. 6.

DIES XXXI.

De Zelo Gloriæ Divinæ.

I.

CONsideratur Zelus gloriæ divinæ, ut
 virtus, quæ non sit, nisi perfectorum;
 & tamen non est minoris obligationis,
 quàm charitas, quæ illius est principium u-
 nicum, & necessarium. Absque charitate,
 salutis æternæ consequendæ nulla nobis
 spes est: neque charitas est, ubi gloriæ di-
 vinæ zelus non est. Quod ardor est in i-
 gne, id zelus est in charitate. Potestne i-
 gnis esse sine ardore? potestne charitas esse
 sine gloriæ divinæ zelo? quilibet Christia-
 nus, à tempore, quo Christianus est, & fi-
 lius Dei adoptivus, æquè dicere debet, ac
 filius Dei per naturam: *In ijs, quæ Patris* Luc. 2. 49.
mei sunt, oportet me esse, atque his me occu-
 pare. In tribunalibus justitiæ homo Re-
 gis appellatur is, qui curam habet tuendi
 ea, quæ Regis sunt. Hanc ob causam Di-
 vus Paulus discipulum suum Timotheum
 appellabat *hominem Dei*; quòd rebus divi- *Tu autem es*
nis in sua Ecclesia daret operam. *homo Dei. 1.*
S. I. Tim. 6. 11.

G 2

gna-

Julius.

gnatius, cujus hodie festa dies agitur, *Hommo Dei* fuisse dici potest in vniverſo terrarum orbe; idcirco, quod ſemper quaſierit, & in omnibus, & per omnia promoverit, non ſolum gloriam, ſed maiorem gloriam Dei. Quivis Chriſtianus *Hommo Dei* eſſe debet in ſtatu, & conditione ſua, Rex in ſuo regno, Episcopuſ in ſua diaceſi, Magiſtratuſ in ſuo munere, Pater in ſua familia. Præcipuum eorum negotium eſt, rueri jura divina: ea negligere turpis infidelitas; & eadem violare perfidia eſſet manifeſta.

II. Si non eſſemus obligati, uti ſumus, ad habendum gloriæ divinæ zelum; eam tamen promovere honorificum nobis eſt; cum eo nihil ſit glorioſius. Gloria Dei eſt bonum Dei: divinum igitur quiddam eſt, & proinde quiddam infinitum. Et ſane gloria creſcit, habita ratione dignitatis illius, ad quem ea pertinet, quantæ erit excellentiæ gloria Dei? creaturæ, quantumcunque excellentes eæ ſint, comparatæ Deo nihil ſunt. Quæ igitur gloria eſſe poteſt omnium creaturarum gloriæ divinæ comparatæ? gloria Chriſti, quatenus erat homo, excellentiſſimum quid, & perfectiſſimum erat; & tamen, cum eam gloriæ Patris ſui comparat, ipſemet fateretur, eam ni-

hil

nihil esse: *Gloria mea nihil est.* Quid igitur Julius, est gloria omnium creaturarum gloriæ Dei comparata? dicendum, minus esse nihilo: *Ioan. 8.* quemadmodum nihil propriè magnum est, nisi Deus, sic nihil propriè magnum est, quàm ejus gloria: neque nos verè magni sumus, nisi quatenus ejusdem gloriæ promovendæ flagramus studio. Hinc judica, quantus fuerit Divus Ignatius.

III. Quare rectè concluditur, animam ad vitam meliorem reductam, peccatum quoddam impeditum, minimum opus bonum, minimum virtutis actum, majus quid, & gloriosius esse omnibus celeberrimorum heroum factis, omnibus summi in hac terra momèti negotiationibus, totius cujusdā imperij occupatione, vel gubernatione. Fides nos docet, & ratio ipsa satis, superque hanc veritatē nobis demonstrat, propterea, quòd hæc omnia nihil sint, nisi gloria creaturarū; cum ex adverso bona opera, actūsque virtutum gloriam creatoris promoveant: unde fit, ut nulla sit uniuscum altero comparatio, proportio nulla. Quantum hæc veritas probè comprehensa animabus pijs inspirat ardorem erga omnes actiones, quæ ad Dei gloriam conferre aliquid possunt? quantum fervorem in exercitijs misericordiæ in proximos, quantam animi magni-


Iulius.

rudinem, quàm nobilem, sanctamque generositatem ! quantum rerum omnium, quæ Deus non sunt, neque ad Deum referuntur, contemptum ! si in promovenda Dei gloria tam parùm habes ardoris, si in ejus cultu tam parùm zeli, in tuis exercitijs pijs tam parùm fidelitatis, causa est, quòd hanc veritatem vel non credas, vel certè non penetres. Eam probè penetravit S. Ignatius, qui asseverabat, omnes labores vitæ suæ bene impenso sibi videri, si non nisi unicum peccatum lethiferum impedijset. Quantus divinæ gloriæ in corde magni hujus viri zelus ! sed & quantum frigus, quanta ignavia in tuo !

Confer te ad S. Ignatium, cum rogaturus, ut tibi obtineat vel modicum quid illius zeli pro gloria Dei, quo ipse arsit. In quocunque statu sis, zelum exercendi, & occasionem, & obligationem habes.

Si ego glorifico me ipsum, gloria mea nihil est. *Ioan. 8. 54.*

Quidquid Deus non est, aut nihil est, aut pro nihilo computari debet. *Imit. Christi.*



CON-